

UZ TREĆI BROJ GLASNIKA

Na posljednjem Plenumu Saveza GIG-a SRBiH bilo je govora i o Glasniku.

Kao prvo, tražen je odgovor na pitanje da li treba i dalje da izlazi ova publikacija odnosno, da li ispujava svoju ulogu u onom za što je namijenjena i pokrenuta.

Predstavnici podružnica iz unutrašnjosti kao i ostali članovi Plenuma izjasnili su se za Glasnik, i mišljenja su da je potreban članstvu.

Kao drugo, tražen je odgovor kako finansijski izdržati jer svaki broj Glasnika Savez opterećuje za oko 1.000 N.dinara a to je i suviše velika suma.

Na kraju došlo se do zaključka i po ovom pitanju i odlučeno je da pomoć treba tražiti od članstva u vidu dobrovoljnog priloga za Glasnik kao i od geodetskih ustanova kojih je nažalost vrlo malo. Ako se već odlučite da pošaljete svoj novčani prilog, to učinite na adresu:

Savez geodetskih inženjera i geometara SRBiH, Sarajevo, Obala 21 broj žiro računa 101-8-270, sa naznakom za Glasnik.

Svakako da će i uspjeh ove akcije biti ujedno i najbolji odgovor da li smo za Glasnik ili ne.

Redakcioni odbor